

Samþykktir Svæðisnefndar Emotions Anonymous samtakanna á Íslandi

www.ea-island.is

info@ea-island.is

Svæðisnefnd EA-samtakanna á Íslandi

Samþykktir Svæðisnefndar EA-samtakanna á Íslandi (Emotions Anonymous)

1. gr. Félagið heitir *Svæðisnefnd EA-samtakanna (Emotions Anonymous)* á Íslandi

2. gr. Heimili félagsins og varnarþing er á lögheimili oddamanns svæðisnefndar hverju sinni. Esther Helga Guðmundsdóttir, Einarshöfn 4, 810, Eyrarbakka.

3. gr. Hlutverk svæðisnefndar er sem hér segir:

- a) að aðstoða EA-deildir á Íslandi við að bera þeim sem leitast við að vinna að tilfinningalegu heilbrigði boðskap EA-samtakanna,
- b) að standa vörð um reynsluspor, erfðavenjur og þjónustuhugtök EA-samtakanna,
- c) að hafa umsjón og eftirlit með eigum EA-samtakanna á Íslandi,
- d) að vera tengiliður við heimsráð EA-samtakanna og kjósa svæðisnefndarfulltrúa til að koma fram fyrir hönd svæðisnefndarinnar á heimsráðstefnu EA-samtakanna,
- e) að skipa starfsnefndir innan EA-samtakanna er sinna eiga sérstökum verkefnum sem falla innan starfssviðs svæðisnefndar,
- f) að halda svæðisnefndarfundi í því skyni að efla samstarf og samskipti milli deilda á svæðinu,
- g) að kalla saman svæðisráðstefnu í mars ár hvert til að ræða málefni samtakanna í heild.

4. gr. Helstu verkefni svæðisnefndar eru:

- a) að veita EA-deildum á Íslandi þjónustu með því fjalla um málefni sem þær varða, þ.m.t. að halda skrá yfir EA-fundi á svæðinu, annast sölu á útgefnu efni, setja upp og viðhalda vefsíðu samtakanna, veita upplýsingar og annast samskipti við fagfólk,
- b) að viðhalda bréfa- og bókasafni samtakanna,
- c) að koma fram fyrir hönd samtakanna. Skal í þeim tilvikum sem samtökin koma fram opinberlega finna velviljaðan, óháðan aðila til að hafa orð fyrir samtökunum eða fulltrúa úr EA-samtökunum sem kemur þá fram nafnlaust.

Samþykktir Svæðisnefndar Emotions Anonymous samtakanna á Íslandi

www.ea-island.is

info@ea-island.is

5. gr. Skipan svæðisnefndar

- a) Deildarfulltrúar allra skráðra EA-deilda mynda svæðisnefnd EA-samtakanna á Íslandi. Varadeildarfulltrúi tekur sæti deildarfulltrúa í forföllum hans.
- b) Allir fulltrúar svæðisnefndar skulu vera virkir EA-félagar og mælt er með að þeir hafi a.m.k. tveggja ára ástundun í samtökunum.
- c) Hver EA-deild veitir deildarfulltrúa sínum rétt til að taka ákvörðun á svæðisnefndarfundum og svæðisráðstefnu, þ.e. að vinna skv. samvisku sinni eftir að hafa hlustað á umræður á fundunum og tekið þátt í þeim.
- d) Svæðisnefnd velur sér oddamann, ritara og gjaldkera úr sínum hópi. Kjörtímabil þeirra skal vera tvö ár og mælt er með að þeir hafi a.m.k. þriggja ára EA-ástundun í samtökunum að baki.
- e) Nefndin kýs svæðisnefndarfulltrúa gagnvart heimsráði og varafulltrúa hans. Oddamaður getur jafnframt verið svæðisnefndarfulltrúi.
- f) Nefndin velur fulltrúa sinn í starfsnefndir (útgáfunefnd og vefnefnd) sem er tengiliður viðkomandi nefndar við svæðisnefnd.
- g) Enginn EA-félagi má sitja lengur en þrjú kjörtímabil í einu sem aðalfulltrúi í svæðisnefnd. Nefndin áskilur sér rétt á undanþágum frá þessari reglu.
- h) Svæðisnefnd er heimilt að velja sér svæðisnefndarfulltrúa utan síns hóps.

6. gr. Fundir svæðisnefndar

- a) Svæðisnefndarfundir skulu haldnir eins oft og þurfa þykir en þó eigi sjaldnar en tvisvar á ári.
- b) Oddamaður skal boða fundi og hann stýrir umræðum samkvæmt dagskrá fundarins.
- c) Hafa skal vilja heimsráðstefnunnar til hliðsjónar varðandi dagskrá og umræðuefni funda.
- d) Hver skráð EA-deild fer með tvö atkvæði á svæðisnefndarfundum.

Samþykktir Svæðisnefndar Emotions Anonymous samtakanna á Íslandi

www.ea-island.is

info@ea-island.is

e) Öllum EA-félögum er velkomið að sitja svæðisnefndarfundi. Þeir hafa málfrelsi en ekki atkvæðisrétt.

f) Svæðisnefndarfundir geta hvort sem er verið hefðbundnir fundir eða fjarfundir þar sem notast er við síma, Zoom eða annað fjarfundarform.

7. gr. Svæðisnefndarfulltrúi

a) Svæðisnefnd skal kjósa svæðisnefndarfulltrúa til að taka þátt í heimsráðstefnu EA-samtakanna fyrir hönd svæðisnefndarinnar. Svæðisnefnd kýs bæði aðal- og varafulltrúa sem mætir á ráðstefnuna ef aðalfulltrúi kemst ekki. Svæðisnefnd skal hafa hliðsjón af leiðbeinandi fyrirmælum heimsráðstefnu varðandi val á aðal- og varafulltrúa á heimsráðstefnuna, svo og varðandi undirbúning undir ráðstefnuna og þátttöku í henni og nefndum hennar.

b) Mælt er með að svæðisnefndarfulltrúi sé EA-félagi með minnst þriggja ára EA ástundun og reynslu af annarri þjónustu í samtökunum. Svæðisnefndarfulltrúi mætir reglulega á EA-fundi, þekkir vel til tólf spora starfs og erfðavenjanna tólf og er staðráðinn í að fylgja erfðavenjunum tólf og þjónustuhugtökunum tólf. Svæðisnefndarfulltrúi mætir á svæðisnefndarfundi svo að hann sé upplýstur um málefni svæðisnefndarinnar og geti komið fram fyrir hönd hennar á heimsráðstefnunni.

c) Svæðisnefndin notar framlög sem henni berast m.a. til að greiða kostnað við ferðir svæðisnefndarfulltrúa á heimsráðstefnu.

d) Svæðisnefndarfulltrúar eru kosnir til tveggja ára. Svæðisnefndarfulltrúi má mest gegna þjónustunni í þrjú kjörtímabil.

8. gr. Svæðisráðstefna

a) Svæðisráðstefna EA-samtakanna skal haldin árlega í mars.

b) Rétt til setu á svæðisráðstefnunni eiga allir virkir EA-félagar.

c) Hver skráð EA-deild fer með tvö atkvæði á svæðisráðstefnunni og skal deildarfulltrúi koma fram fyrir hönd deildar sinnar eða varadeildarfulltrúi í forföllum hans.

Samþykktir Svæðisnefndar Emotions Anonymous samtakanna á Íslandi

www.ea-island.is

info@ea-island.is

d) Svæðisráðstefna skal boðuð á vefsíðu samtakanna og með tilkynningum á deildarfundum eða með öðrum sannanlegum hætti með skemmst 14 daga fyrirvara.

e) Dagskrá svæðisráðstefnu skal vera:

1. Skýrsla svæðisnefndar um störf sín á liðnu starfsári
2. Reikningar svæðisnefndar lagðir fram til samþykktar
3. Skýrsla starfsnefnda um störf sín á liðnu starfsári
4. Skýrsla svæðisnefndarfulltrúa um heimsráðstefnu og málefni samtakanna á heimsvísu
5. Almennar umræður um áherslur og framtíðarverkefni svæðisnefndar
6. Önnur mál

9. gr. Rekstrarkostnaður

a) Um framlög deildanna til sameiginlegs rekstrarkostnaðar vegna verkefna svæðisnefndar skal fjalla á svæðisráðstefnu þegar þörf krefur.

b) Í anda 7. erfðavenju EA-samtakanna eru EA deildir hvattar til að leggja svæðisnefnd sinni til framlög til reksturs hennar, svo sem fyrir fundaraðstöðu, fjölföldun, rekstri heimasíðu, póstkostnaði og kostnaði við að senda svæðisnefndarfulltrúa á heimsráðstefnu.

10. gr. Slit félagsins

Ákvörðun um slit félagsins skal taka á svæðisráðstefnu með einföldum meirihluta atkvæða og renna eignir þess til heimsráð EA-samtakanna.

11. gr. Starfsnefndir

Svæðisnefnd skipar starfsnefndir eftir þörfum, þ.á.m. vefnefnd og útgáfunefnd. Þátttaka í starfi nefndanna er opin öllum virkum EA-félögum. Svæðisnefnd skipar einn fulltrúa úr sínum hópi í hverja nefnd sem skal vera tengiliður nefndarinnar við svæðisnefnd. Fulltrúi svæðisnefndar er valinn til tveggja ára í senn. Æskilegt er að fulltrúi svæðisnefndar hafi tveggja ára samfellda EA ástundun og hafi verið virkur í starfi fyrir EA-samtökin.

a) Vefnefnd

Hlutverk vefnefndar er að:

1. standa vörð um vefsíðu EA-samtakanna (eaisland.is),

Samþykktir Svæðisnefndar Emotions Anonymous samtakanna á Íslandi

www.ea-island.is

info@ea-island.is

2. aðstoða svæðisnefnd við að koma efni inn á vefsíðuna. Vefnefnd ber ábyrgð á að efni sem sett er á vefsíðuna sé viðurkennt EA-efni.

b) Útgáfunefnd

Hlutverk útgáfunefndar er að:

1. að annast þýðingu á EA-efni og sjá til þess að bataleið EA-samtakanna komist vel til skila,
2. að sjá um útgáfu og dreifingu EA-bóka og EA-bæklinga,
3. að halda utan um og tryggja höfundar- og útgáfurétt á EA-efni,
4. að hafa umsjón með rekstri og eigum EA-útgáfunnar.

12. gr. Allar EA-deildir eru algerlega sjálfstæðar og óháðar afskiptum svæðisnefndar nema upp komi mál sem falla undir 3. gr., lið b) hér að ofan.

13. gr. Samþykktum þessum verður einungis breytt á svæðisráðstefnu með 2/3 hlutum atkvæða. Tillögur til breytinga á samþykktunum þurfa að hafa borist svæðisnefnd fyrir 15. febrúar og skulu sendar með fundarboði.

Lög þessi voru samþykkt á **stofnfundi**

Dagsetning: **24.01.2025**

Hér koma eiginhandar undirritanir allra stjórnarmanna (og varamanna ef eru kosnir) .

Nöfn og kennitölur.